

LEMBAGA BANTUAN HUKUM PERS



CONSELHO DE IMPRENSA DE
TIMOR-LESTE

AKORDU KOOPERASAUN
LEMBAGA BANTUAN HUKUM PERS HO CONSELHO de IMPRENSA de TIMOR-LESTE
NÚMERU: 19/Sk-Sek/LBH PERS/III/2019
NÚMERU: AK01/CI-LBH PERS/III/2019

KONA-BA FORTELESIMENTU INSTITUSIONAL NO DEZENVOLVIMENTU REKURSU
HUMANU CONSELHO DE IMPRENSA DE TIMOR-LESTE

IHA AKORDU IDA NE'E

LEMBAGA BANTUAN HUKUM PERS (LBH PERS) ho enderesu Rua. Kalibata Timur IV G Nomor 10, Kalibata, Pancoran, Jakarta Selatan, DKI Jakarta Indonesia, reprezenta husi, Ade Wahyudin, hanesan Diretor Ezekutivu. Iha akordu ida ne'e hanesan **PARTE DAHULUK**;

CONSELHO DE IMPRENSA DE TIMOR-LESTE ho enderesu Avenida Bispo de Medeiros, Quintal Boot, Dili, Timor-Leste, reprezenta husi Virgílio da Silva Guterres hanesan Prezidente. Iha Akordu ne'e hanesan **PARTE DARUAK**

Tuir mai iha Akordu ida ne'e sei bolu hanesan **PARTE SIRA**

ARTIGU 1

OBJETIVU

Akordu Kooperasaun ida ne'e nia objetivu mak fortelesimentu institusionál no dezenvolvimentu rekursu umanu Conselho de Imprensa de Timor-Leste liuhosi formasaun no estájiu serbisu iha área advokasia ba política ne'ebé iha relasaun ho lliberdade imprensa no liberdade espresaun no oinsa atu hametin relasaun ne'ebé diak ho autoridade makaer fukun hodi promove liberdade imprensa no liberdade espresaun.

PASAL 2

IMPLEMENTASAUN BA ATIVIDADE

Atividade ne'ebé planu atu hala'o bazeia Akordu Kooperasaun ida ne'e mak estájiu serbisu kona-ba oinsa hala'o advokasia ba política sira ne'ebé iha relasaun ho liberdade imprensa no liberdade espresaun no oinsa atu hametin relasaun ne'ebé diak ho autoridade makaer fukun hodi promove liberdade imprensa no liberdade espresaun ba ema na'in 6, ba loron 5 serbisu nian, hahu iha loron 8 – 12 fulan Jullu tinan 2019.

Virgilio *AS*

PASAL 3
DURASAUN

Akordu Kooperasaun ida ne'e nia durasaun fulan neen (6) hahu husi data asina to'o loron 30 fulan Agostu tinan 2019 no bele hanaruk bazeia ba konkordansia PARTE SIRA.

ARTIGU 4
BENEFISIÁRIU

Benefisiáriu husi Akordu ida ne'e mak:

1. Membro Conselho de Imprensa de Timor-Leste
2. Funsionáriu tékniku Conselho de Imprensa de Timor-Leste

ARTIGU 5
REZULTADU NE'EBÉ HAKARAK HETAN

Ho atividade estájiu ida ne'e, Conselho de Imprensa de Timor-Leste espera katak bele iha rekursu ne'ebé matenek atu hala'o advokasia ba política ne'ebé iha relasaun ho liberdade imprensa no liberdade espresaun no oinsa atu hametin relasaun ne'ebé diak ho autoridade makaer fukun hodi promove liberdade imprensa no liberdade espresaun.

ARTIGU 6
RESPONSABILIDADE PARTE SIRA

LBH PERS

1. Hili no fornese formadór atu fasilita no akompaña funsionáriu tékniku Conselho de Imprensa ne'ebé mak tuir estájiu serbisu durante períodu implementasaun ba Akordu ida ne'e.
2. Fornese no fasilita matéria ne'ebé relevante ho matéria estájiu serbisu nian.
3. Responsabiliza kustu ba transporte lokál wainhira nesesita partisipante sira atu hala'o estudu komparativu ba instituisaun seluk ne'ebé iha relevánsia ho matéria estájiu serbisu.

CONSELHO DE IMPRENSA DE TIMOR-LESTE

1. Responsabiliza no selu partesipante sira:
 - a. Billeto (Tiket) ekonómia Dili-Jakarta-Denpasar-Dili (ba mai)
 - b. Daily Services Allowances (DSA) hodi kobre alozamentu no akomodasaun durante iha Jakarta.
2. Responsabiliza no selu kustu profisionál ba formadór LBH PERS ne'ebé akompaña, hanorin no fasilita partisipante sira durante formasaun no estájiu serbisu hala'o ho total USD 1000 (mil dollar Amerikanu)
3. Kustu profisionál sei selu bazeia ba Invoice orijinál Kop LBH PERS no asina husi entidade kompetente no haruka mai iha Conselho de Imprensa de Timor-Leste, tarde liu loron tolu (3) antes atividade hala'o.

ARTIGU 7

MONITORIZASAUN NO AVALIASAUN

Monitorizasaun no avaliasaun ba Akordu ida ne'e hala'o husi **PARTE SIRA** wainhira nesesáriu durante períodu Akordu Kooperasaun ida ne'e.

ARTIGU 8

SUPERVIZAUN

Durante períodu formasaun no estájiu serbsiu ida ne'e partisipante sira hetan supervizaun direta husi LBH PERS

ARTIGU 9

RELATÓRIU

1. Relatóriu ba Akordu Kooperasaun ida ne'e ható'o husi **PARTE PERS** tarde liu semana ida antes períodu Akordu ne'e remata

ARTIGU 10

TAKA

Akordu Kooperasaun ida ne'e halo iha kopia 2 (dua) iha Lian Indonézia ho Lian Tetum no asina hosi **PARTE SIRA** no mos sai baze legál no kesi **PARTE SIRA**.


Jakarta, 14 Marsu 2019

**PARTE DAHULUK,
LEMBAGA BANTUAN HUKUM PERS
REPUBLIK INDONESIA**


ADE WAHYUDIN



**PARTE DARUAK,
CONSELHO DE IMPRENSA
DE TIMOR-LESTE**


VIRGILIO DA SILVA GUTERRES

